


阿毘達磨俱舍論

卷十七

三百九十三
守七

50649



阿毗達磨俱舍釋論卷第十七

守

婆藪盤豆造

陳三藏

真諦

譯

中分別聖道果人品之二

復次如此違捨二退何法為性偈曰

二退非至得

釋曰此二退以非至得為性違退必由罪過

成捨退則不定已得暖人後若退墮必定以

涅槃為法若介此暖與解脫分能善根何異

由於見四諦位最近故若無障礙復次偈曰

暖不受邪教

釋曰若已得暖人後退於此位能不受邪教

若不受邪教暖頂何異偈曰

頂不斷善根

釋曰若已得頂人後退於此位中不能斷善根有入惡道義亦得起無間業偈曰

忍不墮惡道

釋曰若由捨退忍無更入惡道義由已遠離行惡道惑業故何以故由得忍位於道雜生依止有惑所有別類皆已得無生法謂惡趣卵濕雜生無想天北鳩婁大梵生黃門作黃門二根身第八有見修所滅惑此無生法於軟位何況於上是彼無生如應得故是故無

入惡道義偈曰

世第一離凡

釋曰若人得世第一善根由退死二捨無有是處此人於此位中已得凡夫非擇滅無更墮凡夫位義何以故離功用於第二剎那中必證苦諦故是暖等四善根各有軟中上三品即成三性由聲聞等性差別故此中偈曰轉弟子性仁成佛

釋曰轉此暖頂二善根從聲聞性生起得成大正覺有如此義若得忍已則無此義何因故不得彼說由已過度諸惡道生故諸菩薩由化作他利益為自勝事故意能往諸惡趣受生此性不可迴轉故無此義偈曰轉三餘

釋曰從聲聞性轉三決擇分能善根成異大
正覺謂成獨覺獨覺性不可迴轉何以故偈
曰 不求利他故 餘轉性不遮

釋曰若觀行人本發獨覺願後入修觀得暖
頂二善根此善根則不可轉為菩薩善根何
以故由彼不為利益他事故發願修觀故此
二位雖復可轉於彼無可轉義以心願堅故
若轉作聲聞不遮此義復次偈曰

至覺彼一坐 後定佛獨覺

釋曰大師佛世尊及犀角喻佛此二人於一
坐中依止第四定由明了不動三摩提故從
初發起四決擇分能善根乃至菩提惟於一

坐得究竟菩提謂盡智無生智此義後當說
有餘師說從修不淨觀乃至菩提於一坐得
究竟若有人執有別獨覺異犀角喻獨覺於
彼人轉二善根成菩薩此義無遮於過去生
未修解脫分能善根但於今生作功力生決
擇分能善根為有如此義不必定無如此義
何以故偈曰
前彼解脫分

釋曰此義決定應知於過去生先生解脫分
能善根已今生方得生決擇分能善根若人
急疾修行經幾生修得成解脫分能及決擇
分能善根偈曰

速解脫三生

釋曰第一生先生解脫分能善根第二生次修決擇分能善根第三生修得聖道譬如次第下種苗成結實何以故如此次第於此法真理及教中應令自相續入住成熟解脫諸師說解脫分能善根偈曰

聞思性

釋曰此業但是聞思慧類非修慧類此有幾業偈曰

三業

釋曰若論最勝但是意業由願所攝身口二業亦成解脫分能何以故有人施一食或守

一學處樂解脫力所引故因此業引生解脫
分能善根引此業於何處偈曰
引生於人道

釋曰人道中於三洲得引生此業於餘則無
般若厭離二法如應無故由義相應說解脫
分能已入四諦觀次第是今所說此中乃至
世第一已說所餘今說故說此言偈曰
世第一無間 無流法智忍

釋曰從世第一善根無間無流法智忍得生
緣於何境偈曰
欲界苦

釋曰欲界苦是彼境界此忍說名苦法智忍

爲顯此無流故以等流果簡別此忍能得法
智故名法智忍譬如花果樹說此忍名入正
定聚何以故因此忍觀行人能入正定故正
是何法經中說涅槃名正於中定者是一向
不異義至得此決定故名入若此忍已生說
此人名道人此法次一刹那未生時凡夫性
已轉滅是此忍未來功能此義可然無餘譬
如燈生有餘師說以世第一滅凡夫性是義
不然同世間法故此義無失此彼相違故譬
如上怨家肩殺怨家有餘師說由二故滅此
二似無間解脫道故偈曰
次中法智

釋曰次苦智忍後無間於欲界苦中法智生
說此為苦法智無流言應知流至一切處如
於欲界苦中法智忍及法智生偈曰

復尔生於餘苦類忍及智

釋曰苦法智後無間合色無色界苦為一所
緣境類智忍生說此為苦類智忍次無間類
智生說此為苦類智於初入觀由知法真實
理故此理無壞若佛出世及不出世此理恒
然故說名法由此後觀是前觀類後所緣境
是前境類以後隨應前故說後名類如於苦
有四忍智生偈曰

三諦尔

釋曰苦類智後無間於欲界集法智忍生次
無間集法智生如此無間次第於所餘集類
智忍及集類智生於欲界滅法智忍及滅法
智生於所餘滅類智忍及滅類智生於欲界
苦對治道法智忍及道法智生於所餘道類
智忍及道類智生偈曰

如此十六心觀四諦

釋曰由此次第是四諦觀成有十六心有餘
部說四諦觀惟有一心此觀於彼應知是不
了義說何以故於彼經中說四諦觀類不分
別故此四諦觀偈曰
有二見境界及事

釋曰見觀者由無流智了別諦相故境界觀者由與無流智相應同境界故事觀者由不相應法故謂戒生等若已見苦此三觀即成於集等餘諦有事觀由斷證修故若彼說約見觀立爲一觀此說不然由四諦相有差別故若彼說由無我相見一切諦是義不然何以故此觀不從苦諦爲初成故若尔與經相違經云聖弟子由苦相簡擇苦由集相集由滅相滅由道相簡擇道與無流思惟相應智說名擇法覺分若汝言此經爲顯修道故說此言是義不然如見修故若汝言由見一諦於餘得自在故故說一時觀諦此義無失四

諦觀中有說出觀有說不出觀此義應思若
說如此是時正見苦則滅除集至得滅修習
道故說一時觀諦若執如此則無過失於一
諦一見觀於餘諦說事觀故若約見觀於經
中說四諦定次第觀此說可見經云長者非
一時觀諸諦云何觀次第觀如此廣說有三
經皆有譬喻若汝言若人於苦諦無疑無不
決心於佛亦無疑無不決心由此經是故知
有一時觀四諦是義不然依不更起必定應
滅故說此言是所說有十六心觀偈曰

卍第一同地

釋曰隨卍第一所依地十六心觀同依此地

世第一所依地有六於前已說云何必定應
有此義先忍後智由此義偈曰

忍智無間道

解脫道次第

釋曰忍謂無間道約煩惱至得斷不可間隔
故故說無間道智謂解脫道是已解脫或至
得人法故與滅離至得俱起故故說解脫道

是故此二必定應有譬如牽却關戶若說第
二解脫道與滅離至得一時俱起滅離疑惑
智於此境界不應得生由忍能滅惑故此難
不然若汝言九結聚由忍滅不由智故則與
阿毗達磨藏相違是義不然忍是智伴類故
譬如臣事說為王事忍於智亦亦為一切十

六心由見諦故皆是見道為不介雖然偈曰
由見未曾見 見道十五心

釋曰以苦法智忍為初乃至道類智忍是十
五刹那心名見道何因得名見道由見所未
曾見諦故於第十六心無未曾見今始見由
熏習所曾見故成修道為不如此耶此心亦
見非自所曾見道類智忍所緣諦是義不然
何以故今思約諦不約刹那復次不由第八
刹那諦非所見譬如一區田餘一穗未被刈
說未刈田無如此義屬果攝故八智十六行
修故由道於先滅故修道是彼相續故是故
立道類智屬修道此不退義由執持見諦惑

滅離故若汝言是故此屬見道是義不然由
有太甚失故七智云何屬見道由見未究竟
故此中見諦未圓滿由此七智在見中間是
故數彼爲見道已說此義謂能決判見修道
生及差別復次已生聖道人所有差別今當
分別說是前所說見道爲性十五刹那此中

應知有二人偈曰

鈍利根二人

於中信法行

釋曰若鈍根人行於彼中說名由信隨行若
利根人說名由法隨行由信人故隨行於義
故名由信隨行又由信根隨行爲此人法故
名由信隨行先由信他故尋思義由法隨行

亦尔先由經等正法自尋思義爲此義故說
四量法爲量非人義爲量非文句了義爲量
非不了義智爲量非識去何判此四由四種
人差別故一由貢高人差別故二由路柯耶
肱柯人差別故三由自見取住人差別故四
由聞勝人差別故此中於貢高人以法爲量
非人由共論說思量爲智所得故不但由或
儀差別復次佛世尊有說人有說法此中法
爲量非人此法有二種文句及義此中義爲
量非文句由不愛著國土言說故何以故不
應成取文句爲勝決定應思量簡擇義佛世
尊說經有二種有了義有不了義若人簡擇

義應以了義經爲量非不了義佛世尊說隨
福行及不動行識爲生善道說四諦智爲至
得涅槃若人行於法似法以智爲量非識復
次於四時中有失無失故約四人立四量一
讚誦時二憶持時三簡擇時四修行時此二
人偈曰

若已滅修惑於初果道向

釋曰沙門果初者謂須陀洹果於一切果至
得中爲第一故由未得此果故若由實有義
但名由信隨行由法隨行如先由世間道已
滅修惑惑是具縛說此爲向須陀洹果偈曰
乃至滅五品

釋曰若此人先由世間道滅欲界修惑乃至五品盡如此說向初果偈曰

向二滅九前

釋曰若此二人從第五品後先滅六七八品已方入見道中說此二人向第二果謂斯陀含偈曰

離欲欲色界則向第三果

釋曰此人若已滅第九品離欲欲界惑已滅上界惑乃至無所有處說此二人向第一果謂阿那含偈曰

十六二住果隨所向三人

釋曰若第十六心起不可更說此人為由信

法隨行亦不可說向果云何可說住果人住
何果於前若向此果今即住此果或須陁洹
果或斯陁含果或阿那含果阿羅漢果異前
三不可由見道如彼從初得何以故由見道
能滅修道所滅惑故無道理先於見諦惑滅
離欲有頂故偈曰

是時信樂得

見至軟利根

釋曰是時鈍根人先由信隨行今說名信樂
得若利根人先由法隨行今說名見至由得
最上品信智故是故信樂及見所顯復有何
因若人已斷五品修惑於第十六心但說爲
須陁洹人不說爲斯陁含向由此義偈曰

得果果勝道 由不能得故 未修行勝道
故住果非向

釋曰若人正得果不得由果勝道此義爲定
是故若人住果乃至未修行果勝道爲得別
果是時未可說爲向別果於餘果亦尔若人
離欲第三定更依下地人正定此人必定
前由果勝道若不尔從下生上界則不應與
樂根相應安立多滅及離欲人入正定位中
其義如此次第安立人今當說是故且安立
此義如於欲界中說修惑有九品如此偈曰
諸失有九品 地地德亦尔

釋曰如欲界中所說有九品惑於色無色界

地乃至有頂應知各有九品惑如惑德亦介
為對治此失名無間道及解脫道地地各有
九九品云何如此偈曰

軟中上三品 更軟等差別

釋曰根本有軟中上三品分別一一品更有
軟中上三品差別故安立成九品此云何有
軟軟品軟中品軟上品有中軟品中中品中
上品有上軟品上中品上上品此中由軟軟
品道上上品惑滅乃至由上上品道軟軟品
惑滅何以故從初上上品道品不得生故於
已生上上品道人相續中上上品惑已無故
上如浣衣先除麁塵垢後方除細又如麁闇

由微細光滅微細闇由大光滅道惑亦尔何以故白法勢力強故黑法勢力弱故是故由一刹那生軟軟聖道無始生死輪轉所增益成上上品諸惑皆得滅離譬如久時增長三病以一兩三角根散即能牽滅譬如一刹那小燈能破壞久時大闇如此於一切九品惑

中偈曰

未滅修惑品

住果七生竟

釋曰若人已住於果未滅一品修道所滅惑說此人名須陁洹惟能作七生故說七生勝此一切後何以故非一切皆作七生故故經中說七生爲勝七反受生是彼圓滿生何以

故勝言者極爲義道者謂向涅槃流由此道
行至涅槃故是人已至此流故說名須陁洹
云何至流若由得初道故名至流第八亦應
成須陁洹若由得初果故名至流多滅修惑
人及已滅九品惑人亦應成須陁洹然得一
切果人由得第一果立爲須陁洹何因得初
果立名須陁洹不立第八由得向果道故由
得見修二道故由對證具足流故於道類智
中是故此人得須陁洹名向人則非此人於
人道中作七生有及七中有於天道亦尔此
人受二十八生云何說七生爲勝由七平等
故故說七生爲勝譬如七處勝智及七葉樹

毗婆沙師說如此若尔經中云何說具見人
應生第八有無有是處此經意但約一道若
如文分別中陰亦不應有如此上流人至有
頂爲勝亦尔第八生不應有由約欲界說此
則無失此中何證有經及道理定以何證於
人天各有七反非合二有七反經說於人天
道惟有七反云何得知此義七反人道七反
天道由經言七反於人及於天迦尸比部說
有各各語謂七反於人七反於天應同此義
若人於人道得須陁洹果後必還於人道得
阿羅漢果於天道亦尔復有何因須陁洹不
生第八有由如此量時相續成熟故道類亦

尔譬如七步毒蛇毒又如第四日瘡復次由
七結爲餘故下結餘二上結具五雖於中間
修聖道現前不得般涅槃七生應受業勢力
所持故下上二業所引故若諸佛不出世在
家得阿羅漢果得阿羅漢已必不住家法尔
必得比丘威儀有餘師說或作別道人威儀
云何此人不退善道爲法行惡道業無增長
故已增長能生果報業於生果報中無復功
能故由相續爲最強力善根所鎮故行意二
清淨故若有定感惡道業尚不能得忍善根
何況須陀洹此中說偈

愚作小罪生惡道

智作大罪離惡道

如小圓鐵必沉水

大鐵成鉢則得浮

經中說七生爲勝作苦後邊何者爲苦邊度此七後無復有苦令苦不更相續復次涅槃名苦後邊云何作涅槃由能除障涅槃至得故譬如人說爲我作空有餘人七生爲勝此亦不定是故不說如此未滅修惑住果人說名七生爲勝偈曰

若滅三四品 一三生家家

釋曰是須陁洹人由三因緣轉成家家一由滅惑故成三四品惑滅故二由得惑對治無流根故三由生二三生爲餘故於偈中但顯二因須陁洹人後得滅時得惑對治無流根

義不由說成故是生有時最少過此不應生
故是故但說生云何不立由滅第五品五品
滅時第六品必定滅故何以故非一品惑能
障觀行人所應得果如於一間人不度界故
是家家人有二種一天家家若人生於天往
二三家般涅槃或於此天或於彼天二人家
家於入道亦尔或於此洲或於彼洲復次此
得初果人偈曰

已滅至五品 是向第二果

釋曰若人得果已已滅修惑一品乃至五品
心正在第六品應知此人向第二果偈曰
已滅第六品 則成斯陀含

釋曰此得果人已滅第六品心正在第七品
說名至第二果由一往生天更一來生人故
說名斯陀含過此無生故欲瞋癡三品惑薄
弱故今惟軟品爲餘故是得果人偈曰

已滅七八品 一生名一間 則向第三果

釋曰由三種因緣斯陀含人轉成一間人一
由七八品惑滅故二由得惑對治無流根故
三由一生爲餘故云何一品惑能障此人阿
那含果由此人應度下界故如前所說於三
位中三種業起爲障如業能障應知惑亦介
由應度業果報果及等流果地故惑業皆
爲障間者障義此障惟一在惟一生障此人

般涅槃故惟一惑障此人得阿那含果故故名一間滅七八品其義如此若未入四諦觀前已滅第三四七八品惑後方證果不成家冢亦非一間乃至由果勝道未現前起偈曰滅九阿那含

釋曰得果人由滅第九品惑應知名阿那含於欲界不更來故由五下分結惑滅盡故此五滅由合數故說何以故於前必已滅三後滅二故偈曰

此中生有行 無行般涅槃 上流

釋曰此人於中間般涅槃故說名中滅如此已生即般涅槃故名生滅不由行般涅槃由

行般涅槃此義應知此阿那含人有五種中
間滅者於中陰般涅槃生滅者惟已生不久
般涅槃由熟修運載道故此滅由有餘涅槃
有餘師說具二涅槃是義不然此人於捨命
無自在故彼說有行滅者若人受生已於修
不息加行由多功用般涅槃恒修習運載道
故無行滅者不由多功用後般涅槃尊重修
運載道故餘師說由有爲無爲道般涅槃故
是義不然由太甚過失故於經中先說非行
滅後說行滅如此次第與理相應運載非運
載道由熟後不熟修所成故是故滅不由功
用得由功用得生滅者最能運載道及最上

品道諸惑最軟品上流者往上受生是受生
處於中不般涅槃流者行義偈曰

此於定雜修行無下

釋曰是上流人由因果有二種謂由因由果
由因者有雜修定不雜修定為因故由果者
阿迦尼師吒為勝有頂為勝故此中若人雜
修定為因則往生阿迦尼師吒於彼般涅槃
偈曰

超出半超出遍退

釋曰阿迦尼師吒為勝上流人有三種由超
出等差別故此中超出者於欲界雜修定已
退上三定由取初定味捨命生梵眾天由隨

宿世慣修故於中更雜修第四定從彼捨命
生阿迦尼師吒此人於中間沒上出是名超
出半超出者從初定生淨居已乃至超一別
處方生阿迦尼師吒聖人必不生大梵處由
是僻見處故於一切一主故遍退者若人行
於一切心後入阿迦尼師吒無時阿那含人
是所生處更受第五生由行增勝故若尔此
人阿那含義則得圓滿由已生處一向不更
來故如此雜修定應知行阿迦尼師吒復次
偈曰

餘行頂

釋曰非雜修定止流人以有重為勝何以故

此人隨定定品起散味心生一切處已惟不
入五淨居天由次第受三無色處生後往生
有頂皆般涅槃此是奢摩他行人前是毗鉢
舍那行人上流人於中間般涅槃我見此義
不違理而說阿迦尼師吒及有頂勝者過此
無行處故譬如說須陁洹七生爲勝如此五
人皆是行色界阿那含偈曰

行無色餘四

釋曰有別阿那含行於無色界若已離欲色
界捨色界生受無色界生此人復有四種由
生滅等差別故如此阿那含人合成六人偈
曰 欲界滅復別

釋曰有餘阿那含於今生即般涅槃此名現法般涅槃是名第七偈曰

三人更分三 應知九色行

釋曰復次三種阿那含各有三差別故是故行色界阿那含有九人三種者謂中滅生滅上流云何各三差別中滅者速疾非速疾久時般涅槃故由三鐵星譬所分別故生滅者生無行有行般涅槃故何以故此三同受生已後般涅槃故是故三人同稱生滅上流者超出等差別故故成三人一切三速疾非速疾久時般涅槃故是故更有差別偈曰復彼人差別 業惑根異故

釋曰此三種九種阿那含人由業或根差別
故彼有差別此三人有報生報後報差別業
故復次於彼相續軟中上惑數數行差別故
復次此三人各有上中軟根差別故是故此
三人如理各有差別是前二三由惑由根差
別故有異後三由後報業差別故有異此九
人由九種業惑根故是故阿那含人成九種
若尔云何經中說有七種賢聖人行偈曰
上流非差別 說七賢聖行

釋曰上流為法故名上流由說此人無分別
故經中說七賢聖行云何依如此上流行說
為七賢聖行不說餘有學又行惟此人於餘

地有行餘人則不有此人但行善業不行不
善業若人行此行惟往不來如所說三義於
餘聖人皆無是故偈曰

善惡行不行 由往不更還

釋曰故於上流立七賢聖行於餘不立若尔
云何經中說何者為賢聖人有學人與正見
相應廣說如經於餘人亦有賢聖義此由別
意說有謂永至得不作五種惡護又已多滅
惡性感故若不由別意立賢聖人義彼人是
此論說復次已轉生阿那含為有如此差別
不不有由此義偈曰

欲界轉生聖 不往生餘界

釋曰於欲界中已轉別生聖人必不得往生
餘界何以故若至阿那含於此生必定般涅
槃故於色界中若轉生聖人有時入無色界
若上流有頂為勝若尔云何天帝釋說是所
聞天名阿迦尼師吒尊弟子於我邊沒往
彼受生毗婆沙師說由不解阿毗達磨藏故
說此言云何佛世尊不遮此言為隨順帝釋
喜心是故不遮偈曰

此及上生人 無練根并退

釋曰此者是於欲界轉生聖人及有別聖人
往上界受生此等人無練根修行又無因緣
得退云何不許欲界轉生人及往生色無色

界人練根及退事由轉別生宿住故根漸成
熟得勝類依止由此二義無練根及退事復
次未得離欲有學人云何不成中滅由道未
成熟故由思不即現前故隨眠或非劣品故
欲界難出離故毗婆沙師說如此此人所應
作事甚多一應滅惡無記性煩惱二應至得

第二第三沙門果三應出離三界若在中陰
不能成就如此事於前已說若修雜定此人
必生阿迦尼師吒天此中何定應先雜修偈
曰先雜修後定

釋曰若人欲雜修諸定必先雜修第四定何
以故此定隨一切事一切樂行中最勝故若

雜修必由如此方便或阿羅漢人或阿那含
人先修習與多相續相應無流第四定出此
觀已次修習與多相續相應有流第四定出
此觀已更入無流第四定由此次第漸漸滅
無流有流相續乃至二刹那入無流觀二刹
那入有流觀更二刹那入無流觀此名雜修
定加行偈曰
成由一念雜

釋曰若人無流刹那後無間現前修有流有
流刹那後無間現前修無流如此有流刹那
由二無流刹那雜故此雜修得成前二刹那
似無間道第三刹那似解脫道如此方便得

雜修第四定如此雜修第四定已由此功能
所餘諸定皆可雜修此雜修於何處成於欲
界三洲先學雜修得已若退後於色界更雜
修復次雜修四定其用云何偈曰

爲生及遊戲

并怖畏惑退

釋曰由三因緣聖人雜修諸定若利根阿那
含人求得淨居天生爲於現法安樂住若鈍
根阿那含由怖畏諸惑欲極遠出雜噉味相
應諸定爲不更退故若阿羅漢人利根爲於
現法安樂住若鈍根由怖畏諸惑求不更退
故修此定復次淨居天生云何惟五是所說
雜修第四定偈曰

由雜修五品

淨居生有五

釋曰此雜修惟有五品謂軟中上上中上上
差別故第一番修三心令現前謂無流有流
無流第二番六心第三番九心第四番十二
心第五番十五心如此十五修以五淨居天
爲果於中隨一切有流故得生彼隨無流不
得生下有餘師說由信等諸根次第增上故
得生五天偈曰

得生五天偈曰

得滅定那含

說名爲身證

釋曰滅至得於此人有惑成此人故說得滅
若阿那含人得滅心定說名身證由身證似
涅槃法故云何由身得證由心無故由依身

生故於餘經說有十八有學人彼中云何不
說身證由因緣無故無何因緣有三種無流
學及無流學果由此二差別故安立有學人
差別滅心定非有學非無學果亦亦是故由
得此定不可立為有學人差別若如鹿分別
阿那含人差別應如前分別若依細分別分
分開之數成多千此義云何中滅人有三由
軟中上根差別由地差別成四退法等性差
別成六由別處差別成十六由地離欲差別
成三十六於欲界具縛聖人乃至於第四定
得八品離欲約處性離欲根差別故成二千
五百九十二云何如此於一處有六性性性

各有九人從具縛位乃至離欲八品或從自
所得定六九成五十四十六五十四成八百
六十四次由根差別復為三倍若作如此計
於下定得九品離欲人此人於上地說為具
縛若平等計如中滅乃至上流亦尔若合數
一切人四十滅十三千阿那含偈曰

滅有頂八品

成阿羅漢向

釋曰阿那含義流至此阿那含人從於初定
離欲一品惑乃至滅有頂八品惑此人成阿
羅漢向偈曰

第九無間道

釋曰能滅有頂第九品惑無間道中此人亦

是阿羅漢向偈曰

此名金剛定

釋曰此者是能滅第九品惑無間道說名金剛譬三摩提能破一切惑無惑能破之此道不破一切惑由已破故能破一切惑一切無間道中最上上品故餘師說金剛譬定有種種差別未來定所攝緣有頂苦集為境苦集類智行相應有八滅道法智行相應有八滅類智行相應緣初定滅為境有四乃至緣有頂滅為境有四道類智行相應有四合緣一切類智品為境故此金剛三摩提由智行境界差別故成五十二金剛三摩提如非至定

所攝乃至第四定所攝亦亦空識無所有無
邊入所攝如理應知有二十八二十四二十
於無色界所依止法智及緣下地滅為境類
智無故下地對治道為境下為因故有餘師
執道類智一一地對治亦是此三摩提所緣
境於彼師非至定所攝金剛三摩提更增二
十八故成八十金剛三摩提乃至第四定所
攝亦亦於空處等依止次第有四十三十二
二十四三摩提復次由性根差別此三摩提
更成多種是所說有頂第九品惑此由金剛
三摩提所滅偈曰

由得第九滅盡智

釋曰與第九品惑滅離至得俱起智名盡智
即是從金剛三摩提無間後所生解脫道是
故名盡智由與一切流盡共起故由此智於
初偈曰
無學應

釋曰此人於前是阿羅漢向盡智生時即成
無學名阿羅漢由至得阿羅漢果故為得別
果無有別學更應修學故名無學是故為作
他利益事相應故名阿羅漢一切有欲人所
應恭敬故名阿羅漢是故此義自成謂所說
七人名有學彼云何名有學為得流盡恒學
三學為法謂依戒學依心學依慧學此三學

戒定慧爲性若尔凡夫亦應成有學是義不然未如實見知四諦理故後時更作邪學故是故佛世尊於經中重說尸婆柯彼學三學學三學故說名有學此重說有何義若人正學非邪學若人如前學後學亦尔若尔自性住聖人去何以學爲法由意欵故是有學譬如行人暫息學至得不相離故復次何者爲有學法一切有學人無流法何者爲無學法一切無學人無流法涅槃去何非有學無學及凡夫與此相應故去何非無學有學及凡夫與此相應故合一切有學無學成八人向果道人有四至得果人有四一爲證得須臾

洹果行於道二證得須陁洹果乃至七爲證
得阿羅漢果行於道八證得阿羅漢果此人
由名故成八若由實物惟五前一一是向果道
人後四是住果人所餘向人不出三果成立
故屬三果攝此義依次第得說復次若先多
滅及離欲欲界人有二種於見道中成斯陁
含向及阿那含向此非須陁洹斯陁含攝何
以故於前已說修道有二種一卅道二出世
道有學人由何道得離欲從何界得離欲偈曰
由出世離欲有頂

釋曰從有頂若得離欲必定是有學由出世
道不由出世道去何如此從有頂上無復卅故

依自地道非對治故自地道去何不能對治
自地惑所隨眠故若惑於此道類中隨眠不
可立此道類能滅此惑若道是此惑對治此
惑則不得於此道中隨眠故依自地道不得
為自地惑對治偈曰

餘二種

釋曰除有頂於一切地離欲中有二種由世
出世道凡夫及學人皆得離欲此中偈曰

由世道聖人離欲至得二

釋曰由世間道若聖人至得離欲則有二種
滅離至得起一世間至得二出世至得偈曰
餘說由出世

釋曰由出世道若聖人得離欲滅離至得亦有二種餘師說如此何以故偈曰
捨惑不應故

釋曰若聖人由聖道至得離欲若世間至得不生此義中若人由聖道離欲無所有無邊入依止諸定更修練根行此人由具捨前道果道一向無故與上地惑滅離應不相應若捨此已應更與彼惑相應偈曰

有頂半解脫 如上生不應

釋曰此人雖無世間滅離至得亦不得與彼惑相應譬如學人於有頂惑已得半解脫於中必無世間滅離至得由修練根行故已

捨出世至得與彼地惑亦不相應

阿毗達磨俱舍論卷第十七

神

犀角

上音西

區田

上丘俱反

穗

音遂刈

魚吠反

肱

珍邊反

浣

凵

二同正及上

伴

瘡

魚却反

慣

俱患反

僻

延亦反



